



Broj: 1724/23

Datum: 30.08.2023. godine

Na osnovu člana 64. stav (1) tačka b), člana 70. stav (1), (2), (3) i (6), člana 25., člana 32., člana 98. stav (2) Zakona o javnim nabavkama Bosne i Hercegovine („Službeni Glasnik BiH“ br. 39/14 i br. 59/22), Pravilnika o javnim nabavkama roba, usluga i radova br. 2448/22 od 30.12.2022.godine i br. 481/23 od 17.03.2023.godine, Statuta JP „LOKOM“ d.o.o. Sarajevo (Službene novine KS br. 15/13, br. 47/14, br. 29/18 i br. 3/22), Zapisnika o pregledu i ocjeni ponuda br. 1716/23 od 29.08.2023. godine, Direktor **d o n o s i**

## **ODLUKU** **o izboru najpovoljnijeg ponuđača** **LOT 2**

- I. Prihvata se ponuda prvorangiranog ponuđača HIFA d.o.o. Tešan,j broj: P0851/2023 od 17.08.2023. godine, za nabavku roba: Nabavka i sukcesivna isporuka goriva, ulja, maziva i tečnosti za potrebe JP „LOKOM“ d.o.o. Sarajevo – LOT 2 - Nabavka ulja, maziva i tečnosti, putem otvorenog postupka, u ukupnom iznosu od 5.900,00 KM bez PDV-a, odnosno 6.903,00 KM sa PDV-om.
- II. Izabrani ponuđač se oslobađa naknadnog dostavljanja dokumentacije tražene tačkom 3.1.3 tenderske dokumentacije koja se odnosi na član 45. stav (2) Zakona o javnim nabavkama, obzirom da su iste dostavljene uz ponudu u skladu sa zahtjevima iz tenderske dokumentacije
- III. Za izvršenje ove Odluke zadužuje se Služba za ekonomsko finansijske poslove, marketing i pravne poslove u Sektoru za zajedničke poslove.
- IV. Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.
- V. Protiv ove Odluke dozvoljena je žalba u roku od 10 (deset) dana od dana prijema iste, a koja odlaže izvršenje.

### **O b r a z l o ž e n j e**

Postupak za javnu nabavku roba - Nabavka i sukcesivna isporuka goriva, ulja, maziva i tečnosti za potrebe JP „LOKOM“ d.o.o. Sarajevo, putem otvorenog postupka, pokrenut je Odlukom o pokretanju postupka javne nabavke br. 1361/23 od 27.07.2023. godine.

U skladu sa članom 14a. Zakona o javnim nabavkama, prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih subjekata u vezi sa nabavkom, o čemu je sačinjena pisana zabilješka o svim radnjama i postupcima i uložena u predmet spisa.

U skladu sa članom 16. Zakona o javnim nabavkama s ciljem da se osigura maksimalna konkurencija predmetni postupak javne nabavke je podijeljen na lotove prema sličnosti, homogenosti i pripadnosti istoj skupini, odnosno na 2 (dva) lota, i to: LOT 1 - Nabavka goriva



i LOT 2 - Nabavka ulja, maziva i tečnosti, na način da se ponuđačima omogućava da dostave ponude za jedan lot ili više lotova li sve lotove.

Ukupna procijenjena vrijednost javne nabavke iznosi 137.734,09 KM bez PDV-a. Procijenjena vrijednost javne nabavke za LOT 2 iznosi 9.589,09 KM bez PDV-a. Za ovaj postupak javne nabavke predviđeno je zaključenje okvirnog sporazuma na period od 2 (dvije) godine.

Obavještenje o nabavci i tenderska dokumentacija su objavljeni na Portalu javnih nabavki dana 28.07.2023. godine u 16:01 sati pod brojem: 269-1-1-86-3-38/23, a sažetak Obavještenja o nabavci objavljen je u „Službenom glasniku BiH“ br. 54/2023 dana: 04.08.2023. godine, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" broj 80/22). Kriterij za dodjelu ugovora je najniža cijena. U postupku je predviđena primjena e-aukcije.

Prema Izvještaju o preuzimanju tenderske dokumentacije od strane ponuđača tendersku dokumentaciju je preuzelo 14 (četnaest) potencijalnih ponuđača s Portala javnih nabavki zaključno s krajnjim datumom za preuzimanje tenderske dokumentacije.

U određenom krajnjem roku za dostavu ponuda (17.08.2023. godine do 10:00h) blagovremeno su dostavljene 3 (tri) ponude za LOT 2, i to ponude ponuđača: VALVOSON d.o.o. Busovača sa sjedištem u Busovači na adresi Kaonik bb, 72260 Busovača koja je zaprimljena kod Ugovornog organa dana 16.08.2023. godine u 09:05 sati, HIFA d.o.o. Tešanj sa sjedištem u Tešnju na adresi Bukva br. 9, 74260 Tešanj koja je zaprimljena kod Ugovornog organa dana 17.08.2023. godine u 08:25 sati i KARE d.o.o. sa sjedištem u Sarajevu na adresi Trg Heroja bb, 71000 Sarajevo koja je zaprimljena kod Ugovornog organa dana 17.08.2023. godine u 09:56 sati.

Komisija imenovana Rješenjem br. 1362/23 od 27.07.2023. godine za provođenje predmetnog postupka javne nabavke je blagovremeno i pravilno izvršila javno otvaranje ponuda dana 17.08.2023. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova i sačinila Zapisnik o otvaranju ponuda koji je uz Zapisnik o zaprimanju ponuda odmah prosljeđen ponuđačima koji su učestvovali u predmetnom postupku javne nabavke u skladu sa tačkom 5.12 predmetne tenderske dokumentacije, koja reguliše način komunikacije između Ugovornog organa i ponuđača. Na javnom otvaranju ponuda nije bilo prisutnih ponuđača.

Zapisnikom o otvaranju ponuda konstatovano je da su ponude uredno zatvorene, te da su ponuđene cijene, kako slijedi: VALVOSON d.o.o. Busovača u iznosu od 9.573,30KM bez PDV-a sa uključenim popustom; HIFA d.o.o. Tešanj u iznosu od 9.482,91KM bez PDV-a sa uključenim popustom i KARE d.o.o. u iznosu od 9.515,00KM bez PDV-a sa uključenim popustom.

Nakon javnog otvaranja ponuda Komisija Ugovornog organa je pristupila pregledu i ocjeni ponuda, te o tome sačinila odgovarajući Zapisnik u kojem je utvrđeno sljedeće: da su blagovremeno zaprimljene tri (3) ponude u određenom krajnjem roku za LOT 2, i to ponude ponuđača: VALVOSON d.o.o. Busovača, HIFA d.o.o. Tešanj i KARE d.o.o.; da nije bilo neblagovremenih ponuda; da su u ponudama ponuđača: VALVOSON d.o.o. Busovača i HIFA d.o.o. Tešanj načinjene računске greške, te da su iste u skladu sa članom 17. stav (5) Uputstva za pripremu modela tenderske dokumentacije i ponuda („Službeni glasnik BiH“, br. 90/14) ispravljene, na koje su ponuđači u ostavljenom roku dali saglasnost za ispravku; da je



zaprimljena ponuda ponuđača HIFA d.o.o. Tešanj prihvatljiva u formalno-pravnom, ekonomskom i tehničkom smislu i da ispunjava postavljene zahtjeve Ugovornog organa definisane tenderskom dokumentacijom, te je navedenom ponuđaču dozvoljeno dalje učešće u postupku javne nabavke, da je zaprimljena ponuda ponuđača KARE d.o.o. prihvatljiva u formalno-pravnom, ekonomskom i tehničkom smislu i da ispunjava postavljene zahtjeve Ugovornog organa definisane tenderskom dokumentacijom, te je navedenom ponuđaču dozvoljeno dalje učešće u postupku javne nabavke, da zaprimljena ponuda ponuđača VALVOSON d.o.o. Busovača nije prihvatljiva u ekonomskom smislu, te da navedenom ponuđaču nije dozvoljeno dalje učešće u postupku javne nabavke.

Detaljnim pregledom ponude ponuđača VALVOSON d.o.o. Busovača Komisija Ugovornog organa je konstatovala sljedeće:

Nakon pregleda ponude dostavljene od strane ponuđača VALVOSON d.o.o. Busovača, Komisija je utvrdila računске greške u Obrascu za cijenu ponude (Anex II). Dana 24.08.2023. godine Komisija Ugovornog organa je ponuđaču VALVOSON d.o.o. Busovača uputila zahtjev za ispravku računске greške sa novim, korigovanim Obrascem za cijenu ponude – Aneks II (zahtjev poslan ponuđaču putem e-maila, dana 24.08.2023. godine u 10:24h), u skladu sa gore navedenim, na koji zahtjev je ponuđač VALVOSON d.o.o. Busovača, u ostavljenom roku, dana 24.08.2023. godine u 14:36h mail-om dostavio objašnjenje i saglasnost na ispravku računске greške.

Ponuđač VALVOSON d.o.o. Busovača u svom dopisu broj: 27/23 od 24.08.2023. godine je naveo da je računска greška nastala pogrešnom evidencijom količina, što je dovelo do pogrešnog iskazivanja cijena prilikom sastavljanja ponude, a koja bi odgovarala procijenjenoj vrijednosti predmetne nabavke. Također, u istom dopisu su uputili molbu da razlika između ponude i procijenjene vrijednosti ne bude eliminatorna i da ponuda ne bude ocjenjena kao neprihvatljiva, te da ukoliko Komisija ne prihvati navedenu opciju, isti daju saglasnost za ispravku kako bi procedura nastavila svoj tok.

Članom 17. stav (1) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) propisano je da je Ugovorni organ obavezan provjeriti računску ispravnost ponuda dok je stavom (5) istog člana propisano da se u zahtjevu za prihvatanje ispravke računске greške, koji Ugovorni organ obavezno mora tražiti, označava koji dio ponude je ispravljen, kao i nova cijena ponude proizašla nakon ispravke.

U tački 5.13. tenderske dokumentacije propisano je da je ugovorni organ obavezan provjeriti računскую ispravnost ponude i ispraviti bilo koju grešku u ponudi koja je čisto aritmetičke prirode, ukoliko se ista otkrije tokom provjere računске ispravnosti ponude, te da će neodložno ponuđaču uputiti obavještenje o svakoj ispravci i može nastaviti sa postupkom ocjene ponude, sa ispravljenom greškom, pod uslovom da je ponuđač pisanim putem prihvatio ispravku u roku koji je odredio ugovorni organ. Jedinična cijena stavke se ne smatra računskom greškom, odnosno ne može se ispravljati.

Ugovorni organ je u tački 2.2 tenderske dokumentacije decidno propisao ukupnu procijenjenu vrijednost predmetne javne nabavke za LOT 2 u iznosu od 9.589,09 KM bez PDV-a.

Nakon dostavljene saglasnosti za ispravku računске greške, ukupna cijena ponude ponuđača VALVOSON d.o.o. Busovača se povećala na 9.735,10 KM bez PDV-a, pri čemu ista prelazi planirana, odnosno osigurana novčana sredstva ugovornog organa.



U skladu sa odredbama člana 2. stav (1) Zakona o javnim nabavkama ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti: 1) prihvatljiva- koju je podnio ponuđač koji nije bio isključen u skladu sa članom 45. ovog zakona i koji ispunjava kriterije za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva; 2) neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta; 3) nepravilna - koja nije u skladu sa tenderskom dokumentacijom ili je primljena izvan roka za dostavu ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Prema Mišljenju Agencije za javne nabavke BiH broj: 04-02-1-2506-2/22 od 21.11.2022. godine u slučaju kada ugovorni organ zaprimi ponude u postupku u kojem je predviđena e-aukcija, navedeno je da se prihvatljivost ponude cijeni prije zakazivanja e-aukcije, te kako je Zakonom o izmjenama i dopunama definisano da ponuda čija cijena prelazi planirana, odnosno osigurana novčana sredstva ugovornog organa za nabavku, je neprihvatljiva, ugovorni organ će postupati na način da cijeni prihvatljivost ponuda prije zakazivanja e-aukcije.

Slijedom prethodno navedenog, Komisija je jednoglasno zauzela stav da se ponuda ponuđača VALVOSON d.o.o. Busovača, u skladu sa članom 2. stav (1) tačka I) alineja 2) Zakona o javnim nabavkama ("Službeni glasnik BiH", broj 39/14 i br. 59/22), odbaci kao neprihvatljiva, jer ponuda prelazi planirana, odnosno osigurana novčana sredstva ugovornog organa za nabavku.

Tenderskom dokumentacijom u tački 4.13 predviđeno je provođenje e-aukcije, te je Komisija u skladu sa članom člana 64. stav (1) tačka b) Zakona o javnim nabavkama („Službeni Glasnik BiH" br. 39/14 i br. 59/22), odnosno primjenom kriterija „najniža cijena“ i Pravilnika o uslovima i načinu korištenja e-aukcije („Službeni glasnik BIH", br. 66/16), utvrdila početnu rang listu ponuđača, te u sistem e-nabavke unijela sve prihvatljive ponude, kako slijedi:

Naziv/ime ponuđača	Početna cijena u KM bez PDV-a
HIFA d.o.o. Tešanj	9.483,05
KARE d.o.o.	9.515,00

E-aukcija je uspješno završena dana 28.08.2023. godine u 10:38:00h, nakon čega je Izvještajem o toku i završetku e-aukcije, koji je preuzet iz sistema e-nabavke, Komisija Ugovornog organa rangirala ponude, kako slijedi:

Red. broj	Naziv/ime ponuđača	Konačna cijena u KM bez PDV-a	Procenat umanjenja ukupne ponuđene cijene nakon završene e-aukcije	Rang
1.	HIFA d.o.o. Tešanj	5.900,00	37,78%**	1
2.	KARE d.o.o.	5.910,00	37,89%**	2

Nakon provedene e-aukcije, ponuda ponuđača: HIFA d.o.o. Tešanj osvojila je prvu poziciju na rang listi u predmetnom postupku javne nabavke.



U skladu sa rezultatima evaluacije ponuda i provedene e-aukcije, Komisija za nabavku je na osnovu ukupne ocjene ponuda po kriteriju najniža cijena, predložila izbor ponuđača: HIFA d.o.o. Tešanj za najpovoljnijeg ponuđača, sa iznosom ponude od 5.900,00 KM bez PDV-a, odnosno 6.903,00 KM sa PDV-om.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama („Službeni glasnik BiH“ br. 39/14 i br. 59/22), podzakonskim aktima, internim aktima i tenderskom dokumentacijom.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema ove Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

**JP „LOKOM“ d.o.o. Sarajevo**

**Direktor**

**Adnan Šabanović**

Dostavljeno:

1. Ponuđačima,
2. Službena stranica Preduzeća,
3. Komisiji za javne nabavke,
4. a/a.